

पावलसे फिलिप्पीला विश्वासीगदेदा भ्रिबा चिठी

चु चिठीला बारेरी पाङ्तोःमा

भ्रिबाम्हि: येशूला मुल चेला पावलसे भ्रिबा मुबा। चु चिठी भ्रिबाला लागिरी पावलदा तिमोथी भिबा म्हिसे हो लबा मुबा (फिलिप्पी १:१)।

भ्रिबा ग्ला: रोम शहरला भ्याल्खानग्याम भ्रिबा मुबा।

भ्रिबा साल: ओस्पन ईश्वी संवत् ६१-६३ (विक्रम संवत् ११८-१२०) सालला गुडरी भ्रिबा मुबा।

खाल्दा भ्रिबा: फिलिप्पी शहररी मुबा विश्वासीगदेदा भ्रिबा मुबा। (मुल चेला १६:११-४०)

फिलिप्पी शहर चा माकेडोनिया अञ्चलला रोम यहुल्साला मुल शहर मुबा। चु शहर दान्दे यूरोपरी परब तमुला। चु चिठी भ्रिबा धुइरी पावल भ्याल्खानरी मुबा। थे धुइरी फिलिप्पी शहररी मुबा मण्डलीरी लुसीला ताम लोण्बासे लमा पावलदा दुख ड्हम्बा मुबा। तर पावलला कोड्बा विश्वाससे लमा चु चिठीसे फिलिप्पीला विश्वासीगदेसे विश्वासरी आँट याङ्जी।

चु चिठी चा फिलिप्पीला विश्वासीगदेदा धन्यवाद पिन्बाला लागिरी भ्रिबा मुबा। थेनीगदेसे पावलदा खाँचो तबा धुइरी भेटी पुइसी हो लबा मुबा। ओच्छे थेनीगदेदाएनोन दुख तबा धुइरी पावलसे हाडदेन थेनीगदेदा विश्वासरी कोड्ना लबारीदेन आँट पिन्बाला लागिरी चु चिठी भ्रिबा मुबा। हाड जे चबा थुड्बा लम्याङ्सम तला भिसी म्हन्बा भन्दा सोजो तसी येशूला हड्बान बानीबेहोर थोगै भिसी पाङ्बा मुला। ख्रीष्टदेन छ्याम गिक तबा थेनीगदेला बानीबेहोर चा

परमेश्वरग्याम याङ्बा मोलम हिन्ना। चु मोलम चा थेनीगदेसे यहूदीगदेला ठिम अन्छार भ्रबासे लमा याङ्बा आहिन, तर थेनीगदेसे लबा विश्वासग्याम याङ्बा हिन्ना भिसी पावलसे थेनीगदेदा ढन्ना लबा मुला। ओच्छे ख्रीष्टदा विश्वास लबागदेसे याङ्बा ताङ्बा तामदेन शान्तिला बाररी पावलसे भिबा मुला।

चु चिठीरी ख्रीष्टदा विश्वास लबागदेसे याङ्बा ताङ्बा ताम, आँट, गिक तबादेन सेमहेन्सेन गे लबा तामगदेला बाररी पाङ्बा मुला। ओच्छे चु चिठीरी पावलसे फिलिप्पीला विश्वासीगदेदा गाते माया लमुला भिबा ताम उन्बा मुला।

मुल तामगदे

- फ्याफुल्बादेन प्रार्थना १:१-११
- पावलदा तबा तामगदे १:१२-२६
- ख्रीष्टदेन छ्याम मुबा जुनी १:२७-१:१८
- तिमोथीदेन इपाफ्रोडिटस २:१६-३०
- होशियार तना लबा तामगदे ३:१-४:६
- भेटीला लागिरी धन्यवाद पिन्बा ४:१०-२०
- चिठीला थुमरी भिबा ताम ४:२१-२३

पावलसे फिलिप्पीला विश्वासीगदेदा भिबा चिठी

पावलसे फिलिप्पीला
विश्वासीगदेदा फ्याफुल्बा

१ लास्सो, ख्रीष्ट येशूदा तेन्बा डा पावलदेन तिमोथीग्याम फिलिप्पीरी मुबा ख्रीष्ट येशूदा विश्वास लबा परमेश्वरला म्हिगदेदेन मण्डलीदा च्याबा म्हि ओच्छे मण्डलीरी हो लबागदेदा फ्याफुल्ला!*

२ यहाडला परमेश्वर आबादेन प्रभु येशू ख्रीष्टग्याम एनीगदेदा दयामायादेन शान्ति तगै।

पावलसे लबा प्रार्थना

३ एनीगदेदा ढन्मा डाइ डाला परमेश्वरदा सदन धन्यवाद पिन्बा मुला। ४ डाइ प्रार्थना लबा धुइरी सदन एनीगदेला लागिरी ताइसी ताइसी प्रार्थना लमुला। ५ तिगदा भिसम थार्बा पिन्बा समाचार थेःना लबाला लागिरी डाच्छाहेन्से दान्देधोना एनीगदेसे

सेम गिक लसी डादा हो लबा मुला। ६ परमेश्वरसे एनीगदेला गुडरी शुरु लबा ज्यबा गे येशू ख्रीष्ट फेप्खबा धुइधोनारी थेसेन पूरा लला भिबा ताम डादा पूरा विश्वास मुला।

७ डाइ एनीगदेला बारेरी चुहड्बा ताम म्हन्बाएनोन ठीक हिन्ना। एनीगदे सदन डाला सेमरी मुला। तिगदा भिसम डा भयाल्खानरी मुबा धुइरीनोन ओच्छे थार्बा पिन्बा समाचार जोगब लबारीदेन स्थान्दो म्हिगदेदा थेःना लबा चु गे न्हीरीन परमेश्वरला दयामायारी एनीगदेसे सेम गिक लसी डादा हो लबा मुला। ८ डाइ ख्रीष्ट येशूला मायाग्यामसे एनीगदे जम्मादान गाते ढन्बा मुला भिबा ताम परमेश्वरदान था मुला।

९ परमेश्वरग्याम ज्ञान बुद्धि याइसी एनीगदेला माया भन भन ल्हेबान निगै भिसी डाइ प्रार्थना लबा मुला। १० चुहड् लजी भिसम एनीगदेसे जम्मान भन्दा

ज्यबा ताम तिग हिन्ना, थे फेबारी खम्ला। ओच्छे ख्रीष्ट फेप्खबा धुइला लागिरी एनीगदे तिगै दोष आरेबा चोखो म्हि दोला। ११ परमेश्वरदा मानदेन जयजयकार लबाला लागिरी येशू ख्रीष्टसे पिन्बा परमेश्वरदा सेम निबा बानीबेहोरसे एनीगदेला सेम प्लिङ्गै।

पावल भयाल्खानरी परब तबासे लमा थार्बा पिन्बा समाचार ल्हानान ग्लारी थे:बा

१२ ज्योज्यो आले नाना आडागदे, डाइ नाबा चु दुखग्याम थार्बा पिन्बा समाचार थे:ना लबा गे भन ल्हानान तबा मुला भिबा ताम एनीगदेसे था याङ्गै भिसी डाइ म्हन्बा मुला। १३ ख्रीष्टला बारेरी थे:ना लबासे लमान डा भयाल्खानरी परब तबा हिन्ना भिसी ग्लेखाडला जम्मान सिपाहीगदेदेन अर्गु जम्मान म्हिगदेसे था याङ्सी जिन्बा मुला।* १४ डा भयाल्खानरी परब तबासे लमा ल्हानान विश्वासीगदे प्रभुरी कोङ्बा मुला। ओच्छे थेनीगदेसे आलोङ्गनान परमेश्वरला बचन थे:ना लबारी आँट याङ्बा मुला।

१५ हिन्बाम कोइ कोइसे चा डाह लसी स्थान्दोसे भन्दा डाइ ज्यबा गे लबा मुला भिसी उन्बारी म्हाइमुला, तर स्थान्दोगदेसे चा ज्यबा सेमसे ख्रीष्टला बारेरी थे:ना लबा मुला।

१६ थार्बा पिन्बा समाचार थे:ना लबाला लागिरीन परमेश्वरसे डादा धम्बा हिन्ना भिसी था याङ्बागदेसे चा माया लसी सेमहेन्सेन चु गे लबा मुला। १७ डाह लबागदेसे चा ज्यबा सेमसे आहिन। तर भयाल्खानरी डाइ अफ ल्हानान दुख याङ्गै भिसी हाडसे हाडदान घेन स्होबा सेमसे ख्रीष्टला बारेरी पाङ्बा हिन्ना। १८ ज्यबा सेमसे लसै आज्यबा सेमसे लसै ठीकनोन मुला, जस्तो लसीन ख्रीष्टला बारेरी पाङ्सी भ्रतो:बा हिन्ना।

चु तामरी डा ल्हानान ताङ्बा मुला। १९ हिन्ना डा ताङ्गला। तिगदा भिसम एनीगदेसे लबा प्रार्थनादेन येशू ख्रीष्टला आत्मासेन हो लसी चु दुखग्याम फेला भिबा ताम डादा था मुला।* २० डाइ सेमहेन्सेन घेन आश लसी चिबा मुला, डाइ लतो:बा जम्मान गेरी डा खाइमै पे:आतो:। तर डादेन छ्याम ल्हानान आँट मुला। ओच्छे डा सिसै सोसै सदाला हङ् लसीन डाला चु ज्यानसे ख्रीष्टलान मान लला। २१ तिगदा भिसम डा सोबा चा ख्रीष्टदा तेन्बाला लागिरी हिन्ना। ओच्छे सिबा चा डाला लागिरी भन ज्यबा ताम हिन्ना। २२ डाला चु लहुइ सोतेधोना डाइ अफ ज्यबा गे लला। तर डा सिबा कि सोबा चु न्ही न्हडरी खजिबा चा धम्तो:बा थे ताम डादा था आरे। २३ डादा दोधार तबा मुला। चु जम्बुलिङ्ग रूलासी ख्रीष्टदेन

छ्याम चिबा सेमएनोन ल्हानान मुला।
तिग्दा भिसम डाला लागिरी चु ल्हानान
ज्यबा ताम हिन्ना। २४ तर एनीगदेला
लागिरी चा डा सोसीन चितोःबा मुला।
२५ थेतबासेलमा एनीगदेदा विश्वासरी
ल्हेना लबारीदेन ताङ्ना लबारी
डा अक्क सोसी एनीगदे जम्मानदेन
छ्याम चिला भिबा डादा पक्का था
मुला। २६ दाहेन्से डा दोःसी एनीगदेदेन
छ्याम हुप तमा डाग्याम ख्रीष्टसे
लबा गे म्राङ्सी एनीगदे अक्क ख्रीष्ट
येशूदेन छ्याम गिक तसी ल्हानान
ताङ्म्याङ्गला।

२७ मुल ताम चा चुनोन हिन्ना,
जे तसैनोन एनीगदेला बानीबेहोर
ख्रीष्टला थार्बा पिन्बा समाचार
अन्छार ततोःला। थेतबासेलमा डा
एनीगदेदेन छ्याम हुप तसै आतसै
थार्बा पिन्बा समाचाररी स्थान्दो
म्हिगदेसे विश्वास लगै भिसी एनीगदे
सेम गिक तसी ढिकसी दुख लबान गे
लबा मुला भिबा ताम डाइ थेःम्याङ्गै।
२८ ओच्छे बिरोध लबा म्हिगदे म्राङ्सी
एनीगदे थालोङ्गो। चु थेनीगदेला
लागिरी चा नाश तबाला चिनु हिन्ना।
तर एनीगदेला लागिरी चा थार्बा
याङ्गला भिसी म्राङ्बा चिनु हिन्ना।
थार्बा याङ्बा चा परमेश्वरग्यामनोन
हिन्ना। २९ एनीगदेदा पिन्बा मौका
ख्रीष्टदा विश्वास लबा जे आहिन,
तर ख्रीष्टला लागिरी दुख नाबारीनोन

हिन्ना। ३० डाइ डाच्छा नाबा दुख
एनीगदेसे म्राङ्बा मुबा, थे दुख डाइ
दान्देनोन नाबान मुला भिसी एनीगदेसे
थेःबा मुला। चुनोन दुख एनीगदेसेनोन
नाबान मुला।*

२ तिग ख्रीष्टदेन छ्याम गिक
तबासे लमा एनीगदेसे आँट
याङ्बा मुला? ओच्छे तिग थेला
मायासे एनीगदेसे हो याङ्बा मुला?
तिग परमेश्वरला आत्मादेन छ्याम
संगती लबा मुला? तिग एनीगदेसे
हाड हाड न्हडरी सेमहेन्सेन दया लबा
मुला? २ थेहङ् भिसम एनीगदे जम्मान
सेम गिक तसी हाड हाड न्हडरी माया
लउ, ओच्छे ढिकसी छ्याम छ्यामनोन
गे लसी डादा ताङ्ना लउ। ३ ओच्छे
हाडला जे ग्याम च्यासी गे लबादेन
हाड जे घेन भिसी थाम्हन्गो। तर
हाड भन्दा स्थान्दोदा घेन म्हन्सी
सोजो तसी चिउ। ४ एनीगदे जम्मासेन
हाडदा जे ज्यबा तगै भिसी थाम्हन्गो।
तर स्थान्दोदाएनोन ज्यबा तगै भिसी
म्हन्गो।

५ एनीगदेसे ख्रीष्ट येशूला हङ्बान
सेम थोगो।

६ येशू ख्रीष्ट डाच्छाहेन्सेन परमेश्वर
मुबा।

तसैनोन थे परमेश्वर दोबारी
आम्हाइनी।

७ बरु स्वर्गरी मुबा हाडला जम्मान
स्हे ख्लासी

म्हि दोसी जम्बुलिङरी केजी।

ओच्छे नोकर हङ्बान दोजी।

८ थे ह्राङनोन म्हि दोसी फेप्खसैनोन
सोजो तसी

परमेश्वरसे कुल्बा ताम

ङ्यान्सी

कुसरी सिबारीनोन तयार तजी।

९ थेतबासेलमा परमेश्वरसे थेदा

जम्मान भन्दा घेन स्होसी

जम्मान स्हेगदेला भन्दा घेन मिन

थान्जी।

१० थेतबासेलमा स्वर्गदेन जम्बुलिङ

ओच्छे जम्बुलिङ धिरी मुबा

जम्मासेन येशूदा मान लबारी पुङ

जूतो:ला।

११ थेहङ् लसीन परमेश्वर आबाला

मानदेन जयजयकार लबाला

लागिरी

जम्मासेन येशू ख्रीष्टनोन प्रभु

हिन्ना भिसी पाङ्तो:ला।*

नाडसलसे हङ् लसी य्हाल तना

लउ

१२ डाला सेम निबा होगदे, डा

एनीगदेदेन छ्याम मुबा धुङरी एनीगदेसे

डाङ पाङ्बा ताम ङ्यान्मुबा। दान्दे डा

एनीगदेदेन छ्याम आरेमा भन डाङ

पाङ्बा ताम ङ्यान्बा चा घेन ताम

हिन्ना। परमेश्वर म्राङ्सी लोङ्गो

ओच्छे थेदा मान लसी एनीगदेसे

याङ्बा थार्बा अन्छारला गे लउ।

१३ तिग्दा भिसम परमेश्वरसे एनीगदेदा
थेसे कुल्बा ताम ङ्यान्बा सेमदेन थेदा
ताङ्ना लबा शक्ति पिन्सी एनीगदेला
गुङरी गे लबान मुला।

१४ थेतबासेलमा गनगनदेन कल
आलना जम्मान गे ढिक्सी लउ।

१५ थेहङ् लजी भिसम एनीगदे पापीदेन
न्होङ्बा म्हिगदेला गुङरी चोखोदेन

तिगै दोष आरेबा म्हि तसी परमेश्वरला
सन्तान दोला। ओच्छे सारसे मुरी

य्हाल तना लबा हङ् लसी एनीगदेसे
जम्बुलिङरी य्हाल य्हाल तना लला।*

१६ एनीगदेसे थेनीगदेदा थार्बा पिन्बा

ख्रीष्टला समाचार थे:ना लजी भिसम

ख्रीष्ट फेप्खबा धुङरी डाङ दुख लसी

लबा गे खेरोरी आनिनी भिसी डा

ल्हानान ताङ्म्याङ्गला। १७ ओच्छे

एनीगदेला विश्वासग्याम एनीगदेला

ल्हुङ परमेश्वरदा फुल्बा बलि

हङ्बान दोबा मुला। डाला ल्हुङएनोन

एनीगदेला ल्हुङदेन छ्याम बलि हङ्

लसी फुल्तो:सैनोन डा ताङ्ला।

ओच्छे एनीगदे जम्मानदेन छ्याम डा

सेमहेन्सेन ताङ्ला। १८ थेहङ् लसीन

एनीगदे ताङ्गो, ओच्छे डादाएनोन

ताङ्ना लउ।

तिमोथीदेन इपाफ्रोडिटस

१९ डाङ तिमोथीदा एनीगदे मुबा

ग्लारी योनान पुङखला भिसी प्रभु

येशूथोरी आश लबा मुला। चुहङ् लसी

थेग्याम एनीगदेला बारेरी था याङ्सी डा ताङ्म्याङ्ला। ^{२०}तिमोथीसे हङ् लसी एनीगदेदा सेमहेन्सेन वास्ता लबा म्हि डादेन छ्याम स्थान्दो खालै आरे। ^{२१}तिग्दा भिसम स्थान्दोगदेसे चा येसू ख्रीष्टला तामदा तिगै वास्ता आलना हाङला जे ग्याम च्यासी भ्रमुला। ^{२२}तर तिमोथी खाहङ्बा म्हि हिन्ना भिबा ताम एनीगदेदा थानोन मुला। तिग्दा भिसम भासे आबादा खाहङ् लसी हो लमुला थेहङ् लसीन थेसे डादा थार्बा पिन्बा समाचार थेःना लबारी हो लबा मुला। ^{२३}थेतबासेलमा डादा तिग तबा चीम, थे ताम था याङ्मैछ्याम डाइ थेदा एनीगदे मुबा ग्लारी पुइखबा सेम मुला। ^{२४}ओच्छे डाएनोन योनान खम्याङ्ला भिसी प्रभुथोरीन भर लबा मुला।

^{२५}एनीगदेसे डादा हो लबाला लागिरी पुइखबा प्रभुरी डांला आले, डादेन छ्याम ढिकसी प्रभुला गे लबा ओच्छे डादा हो लबा ख्रीष्टला सिपाही इपाफ्रोडिटसदा एनीगदे मुबा ग्लारी पुइखनोन तोःला भिसी डाइ म्हन्बा मुला। ^{२६}तिग्दा भिसम थेसेनोन एनीगदे जम्मानदेन छ्याम हुप तबारी ल्हानान सेम लबा मुला। थे आखम्बा मुला भिबा ताम एनीगदेसे थेःबासे लमा थेदा ल्हानान सुर्दा तबा मुला। ^{२७}हिन्ना, थे ल्हानान आखम्ना

सिबारीन छ्याइमुबा तर परमेश्वरसे थेदा दया लजी। थेदा जे आहिन, डादाएनोन दुखथोरी भन दुख थातगै भिसी परमेश्वरसे दया लजी। ^{२८}थेतबासेलमा थेदा एनीगदे मुबा ग्लारी पुइखबारी डाइ ल्हानान सेम लबा मुला। तिग्दा भिसम थेदा दोःसी म्नाड्माहेन्से एनीगदे ताङ्ला ओच्छे डांला सुर्दाएनोन म्हाला। ^{२९}एनीगदेसे थेदा प्रभुरी आले हङ्बान म्हन्सी सेमहेन्सेन ताङ्सी माया लउ। चुहङ्बा म्हिगदेदा चा मान लनोन तोःला। ^{३०}तिग्दा भिसम एनीगदेसे डादा लतोःबा हो लबाला लागिरी हाङला ज्यान्ना तिगै वास्ता आलना ख्रीष्टला गे लबाला लागिरी थे सिबारीन तयार तजी।

ल्हुइरी भर थालउ

३ दाहेन्से ज्योज्यो आले नाना आडागदे, प्रभुदेन गिक तबासे लमा एनीगदे ताङ्गो। एनीगदेला लागिरी ताम गिकनोन घरिघरि भितोःसै डा छेर्बा आरे। तिग्दा भिसम चु एनीगदेलान विश्वास जोगब लबाला लागिरी हिन्ना।

^२नइबा गे लबा नगी[†] हङ्बा म्हिगदे म्नाङ्सी होशियार तसी चिउ। थेनीगदेसे खतना लतोःला भिसी पाङ्सी भ्रमुला। ^३यहाङसे मी

३:२ यहूदीगदेसे अर्गु यहूलला म्हिदा “नगी” भिसी पाङ्मुबा तर पावलसे चुरी यहूदीगदेदा “नगी” भिसी पाङ्बा हिन्ना। तिग्दा भिसम थेनीगदेला गे आज्यबा मुबा।

परमेश्वरदा आत्माग्याम तेन्बा मुला। ओच्छे ख्रीष्ट येशूदेन छ्याम गिक तसी ताड्बा मुला। य्हाडसे लबा पक्का खतना चा चुनोन हिन्ना। थेतबासेलमा य्हाड म्हिगदेला गेथोरी भर लबा म्हि आहिन। *थेहड्बा म्हिगदेला गेथोरी भर लबा म्हि हिन्सम स्य्हान्दोसे भन्दा डाइ ल्हानान भर लखम्सेला मुबा। *तिगदा भिसम डा इस्राएल यहुलला बेन्यामीन वंशरी न्हबा म्हि हिन्ना। न्हसी भ्रेःरे तमाकुनु डाला खतना तबा हिन्ना। डा हिब्रूगदेलाएनोन हिब्रू हिन्ना, ओच्छे परमेश्वरसे मोशादा पिन्बा ठिम ड्यान्बा फरिसीएनोन हिन्ना। *६यहूदी धर्मलान ताम लबा हिन्सम डाइ ह्वाडला धर्मदा जोगब लबारी मण्डलीदा गाते ल्हानान दुख पिन्जी। ओच्छे ठिम अन्छार भ्रसी परमेश्वरदा सेम निबा म्हि दोबा हिन्सम डा तिगै दोष आरेबा म्हि हिन्ना। *

७तर थे धुइरी डाइ लबा जम्मान गेगदेदेन म्हन्बा तामगदे डाला लागिरी ज्यबान हिन्ना भिसी म्हन्बा मुबा। दान्दे थे जम्मान गेदेन म्हन्बा तामगदे ख्रीष्टला लागिरी तिगै गे आखेलबा चीम भिसी डाइ था याड्जी। ८चुदे जे आहिन, डाइ ख्रीष्ट येशूदा डाला प्रभु भिसी डोसेबा ज्ञान बुद्धिला डाच्छा मी थे जम्मान स्हे तिगै गे आखेलबा

चीम भिसी डाइ म्हन्बा मुला। ख्रीष्ट येशूदा अभ् ज्यना लसी डोसेखम्मौ भिसी डाइ थे जम्मान स्हेदा नड्बा गे आखेलबा स्हे म्हन्सी ख्रीष्टला लागिरी ख्लासी जिन्बा मुला। ९डा ख्रीष्टदेन छ्याम गिक तगै भिसी डाइ म्हन्बा मुला। ओच्छे डा परमेश्वरदा सेम निबा म्हि दोबा चा डाइ ठिम ड्यान्सी डा ह्वाडनोन परमेश्वरदा सेम निबा म्हि दोबा आहिन। तर ख्रीष्टदा विश्वास लबासे लमा परमेश्वरदा सेम निबा म्हि दोबा हिन्ना। डाला विश्वासदा च्यासी परमेश्वरसे डादा ह्वाडदा सेम निबा म्हि स्होबा हिन्ना। १०डाइ ख्रीष्टदा पूरान डोसेसी थेदा सिबाग्याम सोना लबा शक्तिदा था याड्खम्मौ, ओच्छे थे सिबा धुइरी थेसे नाबा ह्वाडान दुख डाइ नाबारी खम्मौ। ११थेहड् लसीन तजी भिसम सिबाग्याम दोःसी सोखम्मौ भिसी डाइ म्हन्बा मुला।

याड्तोःबा स्हे याड्बारी भड लउ

१२डाइ जम्मान ताम याड्सी पूरान पाको म्हि दोबा मुला भिसी पाड्बारी छ्याइबा आहिन। तर चु जम्मान ताम याड्बाला लागिरी डाइ अभ् भड लबान मुला। तिगदा भिसम ख्रीष्ट येशूसे चुलान लागिरी डादा डाच्छान धम्बा मुला। १३ज्योज्यो आले नाना आडागदे, चु जम्मान तामगदे याड्सी

जिन्जी भिसी डाइ म्हन्बा आरे। तर गे गिक चा डाइ लबा मुला। थे गे चा तिग हिन्ना भिसम डाच्छाला तामगदेदा म्लेःसी लिच्छाला तामगदेदा जे च्यासी डा भ्रवान मुला। १४ परमेश्वरसे ख्रीष्ट येशूग्याम जुकजुकधोनाला जुनी पिन्बारी डादा ड्योइबा हिन्ना। स्वर्गला चु इनाम याड्बाला लागिरी डाइ भड लबान मुला।

१५ यहाड आत्मारी पाको तबागदे जम्मासेन चुहड्बान सेम थोतोःला। एनीगदेसे कोइ कोइ तामला बारेरी चा अर्गु सेम थोबा मुसम परमेश्वरसे एनीगदेदा घोना लला। १६ ओच्छे यहाडसे जुन ताम याड्बा मुला, थे तामरीन भ्रइ।

१७ ज्योज्यो आले नाना आडागदे, एनीगदेसेनोन डाइ लबा हड्बान लउ। ओच्छे डन्से लबा हड्बान गे लसी भ्रबा म्हिगदेदा च्यासी थेनीगदेसे लबा हड्बान गे लउ।* १८ ख्रीष्टसे कुसरी सिरी तिग लजी भिसी भ्रबा म्हिगदेला बारेरी डाइ एनीगदेदा ल्हानान रेम पाङ्सी जिन्बा मुला। दान्देनोन डाइ डाला मी नाड मीख्ली थोसी एनीगदेदा पाङ्बा मुला। १९ थेनीगदे नाश तसी म्हासी निला। तिगदा भिसम थेनीगदेला लहुइसे तिग म्हाइबा थेदान ल भिसी तेन्मुला। ओच्छे पेःबा खबा तामरीनोन थेनीगदे ताड्बा चीम। थेनीगदेला सेमएनोन चुनोन जम्बुलिडला

तामगदेरी जे मुला। २० तर यहाड मी स्वर्गला म्हि हिन्ना। थार्बा पिन्बा यहाडला प्रभु येशू ख्रीष्ट स्वर्गग्याम फेप्खला भिसी यहाडसे ग्याम च्यासी चिबा मुला। २१ ख्रीष्ट येशूसे जम्मान स्हेदा हाडला तहरी भबा शक्तिग्याम यहाडला कमजोर लहुइदा थेला हड्बान यहाल यहाल्बादेन शक्तिशाली लहुइ स्होला।

२४ थेतबासेलमा डाला ज्योज्यो आले नाना आडागदे, एनीगदेदा डाइ माया लसी ल्हानान ढन्बा मुला। एनीगदेसे लमान डा ल्हानान ताङ्म्याड्बा मुला, ओच्छे डाइ याड्बा इनाम भिबान एनीगदे हिन्ना। थेतबासेलमा डाला होगदे, एनीगदे सदन चुहड् लसीन प्रभुदेन छ्याम गिक तसी चिउ।

आँट पिन्बा ताम

२३ इयोदियादेन सुन्तुखे, एनीगदे प्रभुदेन गिक तबासे लमा हाड हाड न्हडरी ढिक्सी चिउ भिबा डाला बिन्ती मुला। २४ डाला विश्वास लखम्बा हो, एदा डाइ चु ताम पाङ्गला, चु मिडम्हेमेगदेदा एसे हो लसी पिन्गो। तिगदा भिसम थेनीगदेसे डादेन छ्याम थार्बा पिन्बा समाचार थेःना लबा गे लबा मुला। डादेन छ्याम जे आहिन, क्लेमेस भिबा म्हिदेन डाला अर्गु होगदेदेन

छ्यामएनोन थेनीगदेसे ढिक्सी गे लबा मुला। परमेश्वरसे थेनीगदे जम्मालान मिन जुकजुकधोनाला जुनी पिन्बारी हाडला किताबरी भिसी थान्बा मुला।

४ओच्छे प्रभुदेन गिक तबासे लमा एनीगदे ताङ्गो, डाइ दोःसीनोन पाङ्गला एनीगदे सदन ताङ्गो। ५एनीगदेला सोजो बानीबेहोर जम्मान म्हिगदेसे था याङ्गै। तिग्दा भिसम प्रभु फेप्खसी जिन्बा मुला। ६एनीगदेसे तिगै तामरी सुर्दा थालउ। तर जम्मान तामला लागिरी प्रार्थना लबान धन्यवाद पिन्सी परमेश्वरदेन छ्याम बिन्ती लउ। ७म्हिसे था आयाङ्बा परमेश्वरसे पिन्बा शान्तिसे एनीगदे जम्मालान म्हन्बा तामदेन सेमदा ख्रीष्ट येशूदेन छ्याम गिक स्होसी जोगब लसी थान्ना।

८दाहेन्से ज्योज्यो आले नाना आडागदे, एनीगदेसे जुन ताम सत्य मुला, जुन ताम मान याङ्बा खाल्ला मुला, जुन ताम ठीक मुला, जुन ताम चोखो मुला, जुन ताम ताङ्बा खाल्ला मुला, जुन ताम ढिक्बा मुला ओच्छे जुन ताम जम्मादान सेम निबा खाल्ला मुला थेनोन तामरी सेम लउ। ९एनीगदेसे जुन ताम डाग्याम लोप्जी, जुन ताम डाग्याम याङ्जी, जुन ताम थेःजी ओच्छे जुन ताम म्राङ्जी, थेनोन ताम अन्छार भउ। चुहङ् लजी भिसम शान्ति पिन्बा परमेश्वर एनीगदेदेन छ्याम तला।

भेटीला लागिरी धन्यवाद

१०एनीगदेसे ल्हानान धिन लिच्छा डादा दोःसी ढन्बासे लमा डा प्रभुदेन छ्याम ल्हानान ताङ्बा मुला। डाला लागिरी एनीगदेसे ल्हानान सुर्दा लबा मुबा। तर एनीगदेसे डादा पिन्बारी मौका आयाङ्नी। ११डादा खाँचो तजी भिसी पाङ्बा आहिन। तिग्दा भिसम जस्तोन धुइरी सन्तोक लसी चितोःमुला भिसी डादा था मुला। १२ओच्छे खाँचो तसै आतसै खाहङ् लसी भ्रतोःला भिसी डादा था मुला। थेहङ् लसीन चम्याङ्सै चआम्याङ्सै, ल्हाना मुसै च्याङ्ना मुसै जस्तोन धुइरी सन्तोक लसी चितोःमुला भिसी डादा था मुला। १३ख्रीष्टसे पिन्बा शक्तिग्यामनोन डाइ चु जम्मान ताम लबारी खम्ला।

१४तसैनोन एनीगदेसे डादा दुखरी हो लसी ज्यबा लजी। १५डाच्छा डाइ एनीगदेदा थार्बा पिन्बा समाचार थेःना लसी माकेडोनिया भिबा ग्लाग्याम निबारी छ्याइमाएनोन चुहङ् लसी किन्बा पिन्बा गे लबा चा एनीगदे फिलिप्पीला म्हिगदे बाहेक अर्गु खजिबै मण्डली आरेमुबा। थे ताम एनीगदेदा थानोन मुला। १६थेहङ् लसीन डा थेसलोनिके भिबा ग्लारी मुबा धुइरीनोन एनीगदेसे ल्हानान रेम चुहङ् लसीन डादा हो लमुबा। १७डाइ चु ताम पाङ्सी एनीगदेग्याम भेटी किन्बारी म्हाइबा आहिन। तर एनीगदेसे डादा लबा होग्याम

परमेश्वरसे मोलम पिन्नौ भिबा डाला
आश मुला।

१८ एनीगदेसे इपाफ्रोडिटसदा
पुइखबा भेटीग्याम डादा तोःतेधोना
छ्योबा मुला। थे भेटी चा परमेश्वरदा
सेम निबा बास्ना खबा बलि दोबा
मुला। थे म्राइसी परमेश्वर ल्हानान
ताइबा मुला। १९ स्त्रीष्ट येशूग्याम डाला
परमेश्वरसे हाडला शक्तिग्याम ताइसी
ताइसी एनीगदेदा तोःबा जम्मान
स्हेगदे थेला सम्पत्तिग्याम पिन्ना।
२० यहाडला परमेश्वर आबाला सदन
मानदेन जयजयकार तगै। आमेन।

चिठीला थुमरी भिबा ताम

२१ स्त्रीष्ट येशूदेन छ्याम गिक तसी
चिबा परमेश्वरला जम्मान म्हिगदेदा
फ्याफुल्ला। चुरी डादेन छ्याम मुबा
ज्योज्यो आले नाना आडागदेसेनोन
एनीगदेदा फ्याफुल्बा मुला।
२२ परमेश्वरला म्हिगदेसे ओच्छे खास
लसी रोमी ग्याल्बो कैसरला गे लबा
म्हिगदेसेनोन एनीगदेदा फ्याफुल्ला
भिसी पाइबा मुला।

२३ प्रभु येशू स्त्रीष्टला दयामाया
एनीगदेदेन छ्याम तगै।